



Inatsisartunut ilaasortaq Jens NapatôK  
Partii Naleraq

### § 37 naapertorlugu apeqqummut 177/2020-mut akissuteqaat.

Asasara Jens Napātôk

Inatsisartut suleriaasianni § 37, imm. 1 naapertorlugu Naalakkersuisunut apeqqutinik tulliuttunik apeqquteqaateqarputit . Apeqqutinut ataani akineqartunut Naalakkersuisut qujapput.

#### Naalakkersuisunut apeqqutigisat:

1. Avataaniit nunatsinnut suliarlorlutik tikerartut Coronamut tunngatillugu qanoq piumaffigineqaramik?

*Nunamut tikittunut piumasaqaatit Kalaallit Nunaannut nunatsinnilu angalanermi piumasaqaatit pillugit Namminersorlutik Oqartussat nalunaarutaat nr. 37 29. september 2020-meersumi<sup>1</sup> takuneqarsinnaapput.*

Kalaallit Nunaanukarlutik angalasunut tamanut Covid-19-imut misissortinnikkut nappaateqannginneq uppersarsinnaassagaat aamma timmisartumut ikitinnatik Sumut-immersugassaq immersorsimassagaat nalunaarummi piumasaqaataavoq. Tamanna nalunaarutip § 8-ni takuneqarsinnaavoq:

*” § 8 Inuit Kalaallit Nunaannut tikittut Covid-19-imik tunillanneqarsimanginnertik uppersarsaqaarnagu aaqqissuussanut, nalliuttorsiornernut, sammisaqartitsinernut assigisaanulluunniit peqataaqqusaanngillat. Matumani illup iluani, silami, pisortat inuillu katerittarnerat, aaqqissuussinerit pisussallu il.il. pineqarput.*

*Imm. 2. Pisortat suliffeqarfiutaanni assigisaannilu isersimanermut, inuussutissarsiortut inigisaanni tamanut ammasuni isersimanermut aamma pisortat namminersortullu utoqqarnik paaqqinnittarfiinut napparsimmavinnulluunniit isersimanermut inerteqqut aamma atuutsinneqassaaq. Taamaattorli misiliummik misissortissimasoq ulluinnarni nioqqutissanik pisiniarnissamut allallu pisariaqavissut allanit isumagineqarsinnaanngitsut isumaginissaanut akuerineqarpoq.”*

2. Avataaniit Nunatsinnut suliarortunut tikinnermiit ulluni tallimani Corona karantæne atuutinnginnami?

<sup>1</sup> [https://naalakkersuisut.gl/~media/Nanoq/Files/Kundgoerelser/DK/2020/Bekendtgoerelser/Bkg%2037\\_290920da.pdf](https://naalakkersuisut.gl/~media/Nanoq/Files/Kundgoerelser/DK/2020/Bekendtgoerelser/Bkg%2037_290920da.pdf)

21-10-2020  
Suliap nr. 2020-21369  
All. nr. 15151641  
  
Postboks 1160  
Oqarasuaat: 34 50 00  
Fax: 34 55 05  
3900 Nuuk  
Email: [pn@nanoq.gl](mailto:pn@nanoq.gl)  
[www.naalakkersuisut.gl](http://www.naalakkersuisut.gl)

Illumut, tikittunut tamanut angerlarsimaannaqqusaanermut maleruagassat atuupput. Kisianni nalunaarutip § 2-ani, nalunaarutip ilaa tamarmiluunniit inunnut inuiaqatigiinnut pingaarutilimmik sulialinnut atuutsinneqassanngitsooq aalajangerneqarsinnaavoq:

*”§ 2. Nalunaarummi matumani aalajangersakkat ilaat tamarmilluunniit inunnut inuiaqatigiinnut pingaarutilimmik sulialinnut atuutsinneqassanngitsut aalajangerneqarsinnaavoq.*

*Imm. 2. Inunnut Kalaallit Nunaanni Politiini sulisunut Kalaallit Nunaanni Politimesteri imm. 1 naapertorlugu aalajangiisassaaq.*

*Imm. 3. Inunnut Issittumi Sakkutooqarfimmi tassanilu immikkoortortaqarfinni sulisunut Issittumi Sakkutooqarfimmi pisortaasoq imm. 1 naapertorlugu aalajangiisassaaq.*

*Imm. 4. Inunnut Peqqinnissaqarfimmi sulisunut Nunatsinni Nakorsaaneqarfik imm. 1 naapertorlugu aalajangiisassaaq.*

*Imm. 5. Inunnut imm. 2-4-mi taaneqanngitsuni sulisunut, Nunatsinni Nakorsaaneqarfik imm. 1 naapertorlugu aalajangiisassaaq. Tamatuma saniatigut Nunatta Nakorsaaneqarfia qinnuteqarnikkut inunnut inuiaqatigiinnut pingaarutilimmik suliaqanngitsunut § 10-mit immikkut akuersissuteqarsinnaavoq.*

*Imm. 6. Nunatsinni Nakorsaaneqarfiup nalunaarummi matumani aalajangersakkat ilaat tamaasaluunniit peqqinnissaqarfimmi katsorsarneqartunut atuutinneqassanngitsut aalajangersinnaavaa.*

### **3. Peqqinnissaqarfimmut avataaniit suliaartortunut Corona karantæne atuutinnginnami?**

Apeqqutinut 1-imut 2-mullu akissuteqaatit takukkit. Peqqinnissaqarfik ingerlasinnaatinniarlugu sulisut piffissami angerlarsimaannaqqusaaffiusumi sulisut suliaat allatut aaqinneqarsinnaanngippat suliani aalajangersimasuni akuersinissaq periarfissaavoq. Tamakku immikkut piumasaqaatitaqarlutik pisarput, matumani ilanngullugu ilaatigut pineqartut qanermut assiaqut atussallugu. Pineqartut immikkut akuersissuteqartarnissaat pisariaqarluinnarput innuttaasut pisariaqavissumik nassuiaanneqarnissaanut neqeroorfigineqarsinnaaneri aamma nappaatinut ilungersunartut soorlu kræftimik naalliuuteqarnerit katsorsarneqarnissaat qulakkeerniarlugit. Aammalu peruluttut immikkoortortaqarfiani toqussutaasinnaasumik napparsimasut katsorsarsinnaajumallugit malittarisassanut immikkut akuersissuteqarnissaq pisariaqarpoq. Sulisut taakkua suliffiup avataani allatuulli angerlarsimaannaqqusaanermut piumasaqaatit ataaniipput.

### **4. Sanaartornermut allanilu tunngatillugu avataaniit nunatsinnut suliaartortartunut corona karantæne atuutinnginnami?**

Apeqqutinut 1-imut 2-mullu akissuteqaatit takukkit. Coronamut allattoqarfik qinnuteqartoqareerneratigut ilaatigut immikkut akuersissutinik akuersissuteqarnikuuvoq. Tassani pineqarput soorlu sulisut, silami sulisussat allanullu attaveqanngitsut. Piffissap suliffiusup avataani allatuulli angerlarsimaannaqqusaanermut piumasaqaatit ataaniipput. Anguniagaq tassaavoq inuiaqatigiinni suliniutit malunnartumik aarlerinartumik kinguneqartinnikkaluarlugit sapinngisamik ingerlatinniarnissai.

**5. Nunatsinni mittarfissualiornermi sanaartorneq annertooq  
ingerlanneqarpoq, aamma taakkununnga avataaniit suliaartortunut  
piumasaqaatit allaanerugamik?**

Apeqqutitut 1-imut 2-mullu akissuteqaatit takukkit. Mittarfiliornerni aallanisulli sanaartugassat iluarsartuussatullu pilersaarutini silami sulisinnaaniassammata immikkut akuersissutinik tunniussisoqarnikuuvoq.

Inussiarnersumik inuulluaqqusillunga

Med venlig hilsen



Anna Wangenheim